

雪厓先生詩集

金徵士守正文集

序

文章關氣運之盛衰者士之通論也然其或傳或泯則繇於或正或失之異焉觀之西漢文章猶有六經之遺意繇東漢而後漸失矣至唐之韓子乃歸之正焉繇晚唐而後又失矣逮宋之歐陽子復歸之正焉繇晚宋而後又失矣逮元之范楊虞揭復歸之正焉今天子統一宇內教化之行無遠弗屆文章歸

正學自

上意朝廷制作悉循於古雖山巒之士皆承
風而知所趨余處草野之中竊常慕夫古之
作者而金徵士守正與余交之久每論文之
高下得失未嘗不意合也余至郡城守正示
余詩文若干首觀之既乃作而曰當氣運方
盛之時而有是作信乎文章之正者足以爲
後進之楷則也嗟夫韶濩之不奏而箏笛以

爲樂紬續之弗用而綺縠以爲華斯之謂庸俗之耳而凡陋之目也孰思夫文習之敝而歸之正者哉觀守正之詩文繩準既合異於放蕩風教攸係異於淫靡雄如山岳不淪卑下潔如冰玉不涉薰穢海內之文章漸趨於正大之域觀於守正之所造有以見之矣余奄嗟餘景而志猶未已跂瞻昔人尚顧與守正俱努力焉

洪武壬戌秋石門染寅序

金匱正文集敘

古今論文者多矣然求文之古者莫如六經而六經之古者莫如書易雖由於包羲然有畫無辭父圣唐而後卦爻之辭備詩雖盛於唐而賡載之譎已見於有虞之世然後則求古文於六經當自書始夫子定書百篇刪詩三百皆所以系萬世漢程而不可易者也後文學文者能求文癉於書學詩者能求詩法於

詩庶乎異好古者矣然文章與時高下而光
岳火氣分合不齊士主異時者所遇既有分
合之殊則異發而兼文者大自然有純駁之
異今觀異炳炳琅琅而蔚然鶻然者父異生
於天下混一之時此唐父韓子宋父歐陽公
所以獨步於後世也蓋二古之文制庄如書
而異詩矣可繼三百篇父後何者以異一出
於正也波柳子厚二蘇兄弟異文非不美也

然皆崇異端之教涉不正之塗學者雖以配
韓與歐樊丘之君子不能無議也

京師數年所見一時名卿大夫以詩文鳴者
固不暇一二數然未與合於古文作者蓋夫
憂憂乎異難矣諤官南歸始識金君守正於
清江之上昇父論文深有契於平心者一日
幽思平昔所為文若干詩一編讀之觀其津
度森嚴辭氣雄渾雅澹踈宕溫潤而鎮翕視

波肆蠶吟劍珊瑚飾者霄壤不侔非與蕉走
好古研精覃思何以臻此且以君之年今方
五十則異暮年所至異可量乎余重君丈請
故喜而為火書

洪武十五年龍集壬戌九月重陽日登仕郎
翰林國史院編修官致仕同郡張美和序

雪屋先生詩集目錄

卷之一

四言古詩

五言古詩

卷之二

五言律詩

五言排律

五言絕句

卷之三

七言古詩

卷之四

七言律詩

七言絕句

卷之五

雜著

雪厓先生詩集卷之一

文淵閣大學士兼翰林學士男幼孜編

四言古詩

歐陽惟謹索賦環山堂

瞻彼東雲有堂翼々君子是營爰究安宅維堂孔碩
繚以羣山君子攸居既燕且闊彼山伊何如拱如揖
以孝其槩福祿來集維此君子宛々令儀嚴猷允塞
令德不違乃詹斯堂載頌載欝眉壽無疆保艾爾後

本泉詩

維彼泉流其原湜湜海委河輸孰謂無本君子之學切
問近思樂善不倦日監在茲明訓具存至理攸属一息

不停柱過來續幽觀玄探妙契疾書聖賢之旨逝者如斯

題劉氏家範有序

右劉氏家範一卷劉隱君德昌所撰也隱君學行純潔
直已不撓戶庭之間長幼敦肅州閭之內公私和睦
君子無不推服之家範之作蓋本諸身故條次詳審誠
迪有法子孫奉而行之則世為懿德之門推而達之則
鄉之善俗日新而月起矣於戲垂裕後昆非有德有言
者不能而防範人道圓規方矩不惟求之是編又當謂
隱君不言而躬行也係之詩曰

於惟劉氏為里清門宗支百世既碩且蕃輝々隱君作

則後人詩書是崇禮義是敬正位男女昭序族姻弟焉
事長孝乎奉親慶已維儉治生在勤田宅脩飭膳服齊
均翼々寢祠祖考之安鬱々松楸丘墓嶮峻周旋凡役
公務實先率循常則私意莫干故舊不遺鄰里相歡有
廉有讓弗僭弗愆嗟尔孫子凡百勉旃小心夙夜克佩
斯言違曰恃德不敬于天矢詩以歌俾勿墜焉

五言古詩

錢太守回塘先得軒

西軒夕澄霽碧湫湛回塘羣動一以息圓暉流素光蕭
條紫氣滅寂寥塵慮忘道人方襟坐肅容正冠裳玩此
塘兔影愛彼荪蒲香微颯汎前除一詠復一觴消搖澹

無與高絜恒自將默省契玄理弦望固有常天道實不
回人事其可量垂纓見白髮懲闊寸心長

夫容詩

灼々夫容樹繁采並叅差朱蕤擢穠秀綠葉垂高枝嗟
彼豔陽質永懷遲莫姿涉江時見采泛水或相依豈憚
朔風厲聊分西日輝寄言山中客誰與集棠衣

上丁即事

皇文洽靈澤春薦式在茲登豆羞庶品芹藻生光輝焚
蕭幕庭燎起視夜何其裸獻肅升降俯仰何委蛇朱弦
諧雅奏赤帝盛光儀優々

聖人教神化與天齊結髮已學道獲間禮與詩拜下認

明訓恪恭禮無違載歌清廟什于以贊雍熙

雪印上人和陶靖節遊斜川詩效作

掩卷坐日晏意倦聊復休
緬懷百歲內曠彼山澤遊
濛滅往迹言詠汎上流出沒
俯游鯈容與狎翔鷗塵世
寧不悲瑤臺成古丘陶潛稱
達生吾豈斯人儔興來持
一觴自酌還自酬卓哉東林士
其樂有此不幸免儋石
儲不為軒冕憂攝生貴止足知命復何求

寄石門梁先生

徂景忽已晏茲歲聿蹉跎離居積幽念懷人將奈何睇
彼西北區遙峯巒嵯峨中有冥栖士披雲卧嵒阿澗戶
滋蘭芷松樺緣薛蘿羣經廁探討皓首志匪它名理折

毫髮講說嚴不頗於焉開我人惠澤揚洪波振鳳鳴噦
日瑤瑟希雲和伊余仰絕軌板屏顧豈多舍情復濡翰
惆悵龍門歌

贈李孟暉赴京

玄冬降霜霰行子趨上京楊裘白狐腋寶劒蒼龍精胸
蟠五色文垂彩耀華星明時需才俊待遇恩匪輕嘉猷
宜密勿直道資力行芳譽廷宣室不愧漢賈生踟躕清
江上寒雲復南征首路戒明發僕夫抗前旌願言重握
手何以尉中情載瞻雍熙洽暢爾揚令名

贈廖子京何紹德之京

束綬被儒服而無希世姿中歲邁休運始与雲壑辭玄

豹煥文采紫鳳何威遲名都會冠蓋廣陌擁旛帷適時
貴有道得志行所為用舍雖異趣隱顯亦其宜震廷斯
接武元愷同雍熙謬余衰朽質樸拙空自持仰瞻鴻鵠
翔比翼相追隨金門瞻高步察廊起遐思

賦何氏東閣梅花

連坂下玄陰衆卉淒以肅瑤樹粲佳花孤標尚幽獨冶
容羞桃李寒豔敵冰玉凜々清裁持菲芳意之夫君
秉高絜門徑辟塵躅東閣散朝曠暄風一何馥長謡激
高興徙倚恣遊目水部迴千秋新詩竟誰續明當理珠
佩浩歌泛醁酌彼姑射仙因之上黃鸝

慶匏菴舉孫

仁者宜有後德恒必昌猗蘭茲其秀奕葉何芬芳廟見始踰月和氣洽滿堂丹砂流虹采頭角生輝光嘉名嚴肇錫貼誠徵義方炳忠肅宅我遺直坊實蕃知蔭美源遠信流長祖武諒可繼青霄遲翬翔

南昌鄒思敬梅林道隱

伊人熊豹姿皎若冰玉質夕嚥漱紫霞晨吟披道帙瑤軒涵水木生白湛虛室午夜上清塵翔鸞朝太乙

杏莊為錢士荆賦

清門重吳越令德世所稀陽坡翼崇構林杏何霏霏陰接澗苔潤叢分山木輝丹花耀石楯碧實暝緇惟鳥下畫逾寐虎馴年不饑疲癃溪蘇息稚耋競依歸惠澤頽

陰驚神功侔化機道存名自勝意愜理無違相業訢難致仙蹤誠可希待尋嘉樹傳與望碧雲飛

傳時憲宵梅軒

瑤軒秀孤卉不與凡木同受性最高潔凜然冰雪中君子觀所尚蓋彼桃李容聞香步微月汎采隨天風歲寒保夷白吟嘯日相從永懷羅浮仙并憶孤山翁消搖謝塵鞅清興殊未終

贈別張司訓對恭還山

結懽常恨遲惜別何大促之人黃綺儕言帰望空谷握手一長歎四顧增躊躇古道邈悠悠羊腸坂詰曲微波動泮水采藻不盡掬有鵠嘯喬林仰止悲白鵠伊余重

極屑俛首慚樸朴書策諒在前虛名徒竊祿遂施畏日
晚而豈心所欲相逢忽中路素髮照車轂巢雲戢文羽
逝宵逐雞鶩南山桂可樵北山稍已熟行矣賦考槩希
音尔金玉

岐陽樵隱為陳伯淵賦

遺榮謝朝市屏迹在丘樊短褐不掩脰而有好容顏晨
興或持斧長號入雲間松枝帀地垂蘚紋自斑白鹿
下長坂飛鳥相與還流泉堪獨酌石髓可以養匡坐歇
南風取琴一再彈虞姚邈已遠悵悅勞心魂企彼蘇門
生高躅揚清芬浮名寔外物軒冕何足言永語區中人
卑二徒自喧

訥生詩為承差張以信賦

賢者敏於行君子或多言喋々不自慎舉措生過愆樞
機有榮辱凡百斯靜專使命古所重諮詢宜勉旃

送李子高省兄江津

首路屬西陌攬袂事遐征沉憂惜離別感此兄弟情三
歲曷云覩骨肉恩豈輕雲漢望飛鴻原隰題脊今悵焉
忽四顧胡爲此莞々淺渚夕漲微九阪秋露零仰止日
與月上下弦復盈契闊在友朋猶懼鮮合并怡々共懽
愛誰與濯長纓三峡寒木折洞庭霜月清明叢當有行
寤寐不遑寧顧言展良觀嘉樂保忠貞以遨既以遊永
許同令名

歲二十五夕郡庠同鄒公輔邊伯謙對酒遺
梅簷息寒溜蘭缸粲餘輝蕭條歲云莫何以寫我思幸
有一斗酒相與斟酌之其虛復其邪携手當同歸

楊子深湖東釣隱

開軒面湖水地寂無垢氛湖光澹容與魚鳥自相親富
貴非可慕賤貧何足憐衡椒樹後圃桃李羅堂前有酒
日斟酌鄰曲四五人豈愧漁樵侶聊隨麋鹿群白日下
空谷巖々持一竿惟應滄浪叟可與洗心言

題張氏委心軒

淵明高世姿磊落不可羈一官辭彭澤解組忽如遺山
水恣吟嘯野老共遊嬉有酒日為樂豈憂寒與飢委心

順大化去留安足疑葵菊多新花松柏無舊枝四序迭
相運榮瘁匪我私緬彼塵世中萬物同醯雞變滅先朝
露擾々將何為

李伯文停雲軒

索居既已久駕言寫幽思開軒酌春酒三復停雲詩親
友缺談讌東西竟何之風波接平陸講習阻良時有善
今未見有過今豈知恨無雲間鴈為我一寄詞寸心苟
難變皓首以為期

寓渭湘秋懷三首

蕭々白楊樹烈々多悲風呼號萬籟淒淒切鳴寒蛩志
士懷苦思中夜操孤桐幽弦不成調此曲何由終婢節

世所忌直道誰見容小人樂夸毗君子惟固窮營
八紘內焉知義所從

秋雨灌百川流波浩茫々玄雲結曾宇寒日少精光嘉
樹遂零落烏鳶號且翔沈吟思未釋屣顧步長廊契闊
念佳人淹留寄他方山川路脩阻慘澹別日長既乖携
手好寧知容鬢蒼悠々慨晨夜寤寐不能忘

悠々東山下渺々官湖上蕭條瓦礫墟四顧增悵恍先
哲邈云遠伊昔觀遺像祠寢備兩楹薦裸亞素王高風
散寥廓俎豆倏已喪絲竹飛塵煙蘭芷變草莽斯文豈
下衰天運寧終往循環諒必復萬世同所仰

懷山陰

舊年歲欲謝朔風淒以寒飄々遠征人行色何辛酸骨
肉雖在眼惻愴難為懽朝食古城下夕宿河之干容體
變顚頹垂老不遑安白日行青天光豈照復槩曠塗無
夷跡曠陸有驚瀾茫々穹壤內百歲何當還大運自古
來胡為增永歎

留別謝子平

逝水絕回波游雲無定姿滄洲歲忽晏惆悵從此辭宛
宛托言好我懷君所知人生意氣豁感會良有時芳佩
纈蘭芷解贈何陸離豈無璫瑤玉諒與金石期握手臨
當毅為君復徘徊弔哉保貞曜庶以慰所思

秋懷

丁未歲

商飄入庭樹遊子復驚秋陰陽有迭運撫景何易流紅
槿秀朝曦感之坐沈憂區々百歲內第宅成荒丘富貴
豈不好飛仙不可求緬懷古達人秉燭以夜遊

白露昨夜下豐草今日𦵹長樊曉鳴鶻玄燕將安歸旅
意正蕭條行歌悲式微愁雲千里起落日心神飛周道
翳荒榛臨岐多是非誰為招隱者製彼芟荷衣

陶令賦停雲思情何依依余今誦采葛却歎轉徘徊大
火向西流涼風生翠微錦書無咫尺欲寄不能裁結桂
徒延佇嘯歌空復懷惟應千里夢可以接清輝

施氏隱居

閒居得深趣外物徒自喧山水共澄暎榆柳蔭前軒園

書正挿架綠酒方盈尊延想坐長嘯心至欲無言

胡孟敬畊閒詩

前山雨新霽稚綠熙初陽窮窪丘中趣淳風慕羲皇丈人荷蓀者畢力事畊桑夫須織成笠蕉葛緝為裳未識軒冕貴居然塵慮忘樂歲盈廩瘦暇日集壺觴庭階散鳥雀隴阪下牛羊晞髮北林外濯纓南澗旁時尋采苓客歌謌共相羊愧我坐羈旅為爾懷慨慷

夏夜偶興

昭：素明月流光墮我前靈飄從何來微涼汎西軒對此不成寐清意安可言餘酣醒毛骨伊欲凌紫氛下上鷺鶴背矯步翔天門金童青霞被玉女雲結鬟林森植

東海若華照西偏下視塵世中諒若蠻蟲然萬期一回
首誰可與長年

立秋夕同竹所步庭中作

白日速西沈餘歎不暫息披衣步庭際夜景方寂歷候
鷹未南翔秋蛩已在壁曉我素心人徘徊語終夕

遊慧力寺簡住禪師

山氣變朝采此地佳有餘谷鳥上下鳴宛然塵外居上
人論緣業土室多寶書吹螺振龍象珠珍絡襪襦慧燈
寂不滅靈燄照空虛伊我嘗學道一致非殊塗衣簞身
逾勝食淡味自腴甘與木石友不羨駟馬車偶遊青蓮
界如拾明月珠素襟迴蕭灑涼風與之俱石壁堪掛冠

竹林可携壺徐步行消搖三五相與娛萬境坐寥闊聊以順吾初

寄聶器之助教二首

良辰不易得游好數相違興言念君子何以寫我懷出入若相避嘉會遂參差江水日東流梁燕自西飛秋蘭既已折春草復萋萋離別且勿道諧燕終有時引領以長嘯南望寄此詞

仲尼脩魯史徵志繫東周王章存筆削千載垂鴻猷自非問學精詞旨不易求先生啓其祕陳義何昭々之子顧卒業指授亦已勞大匠無棄木瑣屑皆見收朝夕苟聞道寧忘川上游

同吳仲權道紀燕集仲權留宿館中有詩因賦此

朝飲東鄉酒莫與佳客還東風從何來忽吹雙鬢斑匡
坐論文史稍々燈火闌世人徒汨沒而我心自閒道義
明於日富貴若浮雲緬懷紫芝曲不吟行路難嗟彼兜
女子悅此好容顏豈知泰山曲松桂安可扳惟尔服高
誼宿昔慕先民屢空寧足歎飲水當自歡矧余共携手
聊可諳晤言三復七襄詩永矢期弗谖

王學敎雲林書屋

寐々雲林下中有揚子宅不聞車馬喧所見惟載籍監
桓一室內無乃玄尚白庭草書帶青池水洗墨色聖賢

必相對弟子皆在側。豈乏首蓿盤日旰不遑食。窮年悴容鬚分陰為之惜。金匱傳芬芳。勗爾崇令德。

瑞筠山松風江月亭金門羽客方方壺作圖
冷松風清園江月白禪關寄虛空孤亭坐寥闊以
茲聲聞覺非相亦非色暇日一披圖猶想金門客

賦宋茂中玉樹蘭榦凡十五花

猗蘭在幽谷綠葉何菁菁。幽花綴碧榦三五如珠瓔移之置高堂衆卉焉敢爭濃芳滿衣袖軒砌有餘清

黃氏春暉堂

慈父既已殞母氏亦勞止孀居撫孤遺身存心欲死悲風號林木有淚若傾水奄忽白日徂形容獨憔悴兒癡

幸已長豈識艱理朝夕上高堂聊得備甘旨昊天諒
莫報惻惻懷不已但願吾母壽遠膝怡暮齒

倪子中檮閣詩

山木絜百圍而以樗散言擁腫廢繩墨不為匠石憐丈
人樸且拙陋巷甘隱淪素乏挈餅智蠢若抱甕然糜鹿
日為友鴻鵠難與羣吁嗟漆園叟聊以保天年

永思堂詩

霜露乘夕降玄序淒以寒重闌遡已遠惻愴為心酸幼
孤賴撫育義重生我恩返哺慙鳥鳥此恨安可言桑梓
遶舊宅松櫟翳孤墳藏書倚素壁慨彼手澤存寢寢上
高堂俛首徒銷魂

和吳仲權賞紅藥詩

西軒集幽賞微雨灑前墀良辰逼春莫紅藥粲芳蕤君子樂嘉會豈復歎睽離努力愛春華松喬難與期永懷托言好結驩常自知載歌清廟瑟勝彼白雪詞消搖且終日把酒慎勿疑

石門贈周存誠因次其韻

久客念游好時序忽若流引領蒙早北曷以解我愁去秋下禹浦庠舍幸少留清論何激烈微義資講求後塵仰絕軼此志竟莫酬喟秋百鳥吟孰与孤鳳儔黃髮垂九袞食飲尚健不有美周逸士遠訪林廬幽新詩復貽贈詞藻麗且道嗟余坐拘束焉得從之遊臨風發浩歎

雅用致精脩

黃子善建焚脩之果乞詩贈道士郭公無隱
齋居肅祠事推孝以顯天羽人汾陽裔駕鶴來編螺環
珮曳明月冠帔凌紫煙結髮已學道冥心玄又玄闔闢
生死戶旋轉天地根坎離交龍虎製煉魄與魂北都撤
泉府南宮錄上仙按弄昇天曲金童相後先神光垂碧落
真氣弥丹田稽首虛無境葆和長自然

題吳維閨將軍山林圖

終歲倦行役靜契在山林姓雲披帙曉閒花落溪深索
居猶寢冥清言諧素心茲事誠有慕吏役方見侵

雪崖先生詩集卷之二

文淵閣大學士兼翰林院學士男幼孜編

五言律詩

贈醫士王伯江

客有采苓者人稱辟世翁能明六脉訣多著十全功雨
砌藥苗盛陽林花樹紅丹田未湏耨收穀比年豐

贈阮孟敏赴憲司掾幕

抗旌初未發酌酒此城隅罷勉事行俠辛勤念簡書官
河秋木淨驛樹晚烟疎莫展清商曲霜華已滿車

贈涂主簿友謙解任之京

白鴈南飛日金河首路時別筵歌送酒祖帳錦為詞淳

落駁人空霜清水府祠即簷鸞鳳羽散彩近龍舞

題傅築寔卷後

野老幽栖處山深似博岩簷花迎露拆階樹與天參玉
煥雲生石珠涵月在潭相期繩祖武版築亦何慙

送歐陽紹永應之京師

捧檄辭鄉邑函書向日邊江花明祖席驛樹送官船城
闕雲霄上山河錦綉前平生負經濟應不愧諸賢

夏日遣興

閒庭沐微雨燕坐有餘清蛛網繁絲墮蜂房釀蜜成官
茶宜當酒野菜可炊羹只尺雲山外誰知麋鹿情

移菊

西風初破蕊幾日又重陽
斷處猶粘土移來更作行蓬
萬寧自蔽蜂蝶不須忙自此無塵事題詩徧艸堂

題張子章道士龍虎山訪道圖

羽人留候裔訪道入名山曾与赤松遇如從東海還丹
經傳祕檢玉籍注仙班後夜翔寥廓簫笙烟靄間

清齋詩為郡守王亨賦

郡齋吏初散燕坐無妨氣槐影自臨砌山光時到門鞭
笞既罕用文史足餘閒惟悟清心法令名垂不刊

郡庠逢小除夕感懷

展卷坐清曉江城逢小年
爐存烟滿榻室破雪侵簾而
此猶為客何人不祀先羈懷轉牢落未得賦歸田

題吳江釣隱

垂釣吳江上，斯人隱者徒。
水雲隨臯帽，竹樹接烟蘿。
身世風埃外，形骸放浪餘。
吾生半騎旅，為尔憶鱸魚。

清明日思親

歲：清明日備書未得歸，先墳違。灑飯孤館漫沾衣。乘
棹晨烟迴，松楸夕露微。傷心南望久，何以報春暉。

有懷謝君進

從官五千里，西望意長懸。
木落洞庭外，山高白帝邊。
風煙憐遠郡，離別惜經年。
日想公餘後，新詩復幾篇。

贈戴行甫還高州兼寄文學鄒謙德

江柳作飛花，輕帆向海涯。
故鄉翻似客，行甫本洪洲。

亂後客高涼因家焉殊俗却為家鴈斷高天遠先行可
在洪鵠啼落日斜為詢文學根應許寄丹砂

贈南山寺僧之京

林花飛盡雨山寺送行舟欲演西方教還從上國遊銖
衣霞采近金掌露華收猶想隨鳴磬留題到虎丘

夢亡從子方之

念爾歸何處茫茫已十年精魂猶入夢風骨自堪憐竹
皮殘書在瑤華好句傳芝蘭苦摧折造物意何偏

清江縣學生傅溫充賦京師

賢材充賦日祖道問京華春色照行李光風汎去槎御
溝晴洗馬宮樹曉啼鵠佇聽陳三策鳴珂出殿衙

再贈渝庠周士韶

官船穩勝屋江水淺如坳粉郭樓臺合青天霞樹交渥
洼龍入貢阿閣鳳來巢在泮吾襄矣徒勞究象爻

除夕用子美杜位宅守歲韻

此夕最思家江梅幾度花能文慚倚馬灑墨哭翻雅擊
鼓傳觴急狂歌挿劙斜明朝又新歲春色滿天涯
羈栖久似家髮短謾簪花南浦叫寒鴈東方啼早鴉桃
符殘墨換銀燭絳烟斜不寐共今夕狂吟興未涯

驚蟄日雨

殷：春雷動潛蛇劈石開節從今日換雨向一天來老
農宜播穀客子正持杯未覩授時廢徒教書觀臺

春日訪蕭用濟因次其韻

景愛讀書處高樓百尺過好懷傾北海雅調似東坡江
上白漚近城頭春艸多相看髮已短其奈旅情何

五言排律

仲冬甲子朔旦冬至呈錢太守

甲子開新曆初陽兆物華一元天地運九有帝王家綵
綴明江郭班聯列郡衙佩聲揚水玉鼓震襍金笳簇仗
排雲直凝香繞霧斜龍亭浮紫氣鳳旆引丹霞禮肅儀
逾慈歡騰喜莫涯歌呼如擊節躡舞類傳芭愛國忠誠
切尊君望眼賒黃堂優治理綠野富桑麻道路興輿頌
閭閻絕怨嗟心清冰在壑身潔玉無瑕泮水同思樂諸

生盡拜嘉謨言常慘惻理廢極梳爬芥藻光輝滿鬢髮
德澤加布衣徒竊祿綺席亦簪花潦倒情尤洽怡愉語
不諱志微存井渫道在豈匏瓜願共隆平治兼全福履
遐成詩慙錦綉敢向使君夸

人日次韻酬彭先生

關年逢上日殊景最宜人硯滴銷殘凍爐烟動早春農
耕占卜載文物慶昌辰縷牋初簪燕餅鑿未薦芹王拔
蘆筍短青出草芽新近谷鶩先乳垂檐雀自馴雲山常
入夢書閣暫容身撫節需良會無嫌枉顧頻

己未元日奉呈敬仲王太守相公

鳳曆開新紀麟符協瑞辰一官心似水三邑物皆春接

地風雲會從天雨露新山呼聞海岳玉立冕冠紳合德
禎祥集承恩寵數頻丹衷惟報國素志在勤民召杜齊
歌詠韻黃並擬倫嗟余徒頃々賀臆獨津々敢倚龍門
重欣同尺蠖伸頌言常道泰早覩覩楓宸

寄題何友直南塘齋

蕭灑南塘路于今勝跡存將軍無舊客百世有諸孫綠
竹元臨野黃花故湍園雲霞生几席風月伴琴樽道以
家聲重文從稚子論山林真可悅軒冕未為尊暇日多
羽好幽居少俗喧每疑同栗里何用說桃源後鳥時相
近漁樵或共言題詩懷杜老未得一過門

春雪次鄒孟章韻

霏：呈素采隱失青陽拂樹瑤花細隨車縞帶長簾
疎霑晚燕臺近眩晨粧高切神仙佩雙明玉女璫侵衣
迷鶴毫暎字奪螢囊凍合秋千院平鋪就鞠場年豐宜
作瑞早兆麥雲黃

五言絕句

題畫扇

北山吟桂樹東海月初生冠帔涼風入誰知塵外情
別鶴圖

上弦驚別鶴又見寫成圖遼海秋風外蒼松猶未枯

雪崖先生詩集卷之三

文淵閣大學士兼翰林院學士男幼孜編

七言古詩

海玄歌
毗陵學道之士池德激索賦

有客飛雲泛瀛海搏桑東枝秀五采仙人伐鼓蓬萊宮
手把夫容笑相待笑相待粲玉齒千文綠髮億萬歲方
瞳照人秋水光舞鳳迴鸞五雲裏長跪問仙道乃玄
之玄馭景黃庭播穀丹田長生之始一氣之元和為馬
芳靈為轅下上日月隨風烟浪流瀝芳食正陽素霓作
衣綠雲裳後天不老而獨立兩臉紅白眉秋霜嗟哉造
化神曾不外我形舉手一長嘯至道安可名海波見此

淺復清按歌時弄昇天行南山未枯桂枝老遲尔東來
遊玉京

贈默淵少儀二道紀

龍城玄武飛仙宇仙人東來開紫府覲旛搖青天中
翳鳳驂鸞耀如雨四方官印每玉牒黃金為編翠為紐
錦袍掌政大祝廳旌馬當年何足數黑衣小奴並雙鸞
又手臨階亦鸞翥群山樓觀參指顧按樂神洲隨上下
天花飛墜走容城跪轉河車來玉女吾

皇神聖御長策手據飛龍登九五垂衣高拱治無為精
一心傳稽舜禹早知玄門有道氣弼亮

皇猷司下土自然清淨著名教為問軒轅去何許崆峒

弓劙留白日猶載廣成舊家譜小儒筆硯徒碌々結髮從師學東魯尋常言笑過脫略肩輿凡流浪為伍興來吟弄昇天行不讓雲間學仙侶森然毛骨敵冰雪倒掃三花戲玄圃後期更待三千秋長嘯烟霞共賓主

明農軒為文贍作

東皋草綠牛正肥青田初及耕種時驅牛曉出乾春艸兩肩負耒行隨之田中水映浮翠浪蠻𧆳產子如珠璣味々鵠鵠躍且喜牛背側腦看斜暉手把耒耜廣深尺微雨東來沾緩襪農家生計何苦辛從古以來說艱食白粱紅稻種與稑黍稷麻菽九穀冀疇羨疆隨土宜高下肥磽無不足先生抱才人更嗤短衣飯牛人豈知

西風箭急吹野水白眼直視揚兩眉於乎爾祖明農著
周誥尔今已向山中老

賜谷歌為陳隱君寅賓作

海濱之山仙者居根不土著浮空虛六龍整駕奮鱗鬚
羲馭把轡同馳駢扶桑拂羽三足烏隅夷東表神所都
丹霞飛光央左右倒影直上橫天衢仙人被髮倚長劒
浩歌絕頂誰與娛或時上跨黃鸝背或時下探驃龍珠
駕風鞭霆無不可矚景御氣隨所如金莖垂花插雙鬢
青慈織翠縠長裾曾觀混沌鑿七寢曾看東皋種白榆
左叱陽侯右叱天吳生羯駁汗群龍趨何當更為斲鼈
足五山不動真九區此日之光兮長照萬古聖人在上

送周教諭子獻先生之京

聖人御極四海清中天日月昭文明千羽之舞韶九成
多士濟紛來廷為國楨榦基太平若人布袍身八尺
蟠胸素有經濟策先王微言多剖析昔賢行事亦指擿
是乃廬陵老宗伯煌徵詔下九霄伊我髦士何翹
張羅以禮示不佻茅彙征吉同風颯萬里逸氣尤飄
先生此行既特達豈謂厚積而薄發致君堯舜在黼黻
饋闔才猷真密勿衆星璀璨雲勃鬱塞余謬菲時追陪
如迎雲漢瞻昭回西風驛騎遙相催江波浩渺難為懷
佇聞吉語從天來

壽敬仲王太守相公

我欲腊東阜群玉之峯以爲脯酌清江九曲之水以爲酒手招方壺貞矯之飛仙來上我俟千歲壽千歲壽長食祿綠髮虯鬚面如玉紅袍綺綬金錯帶坐署官衙政逾肅一時意氣凌絕塵獨立雲霄見黃鸝潁川湧海未足多接武虞廷十二牧青春入奏上九重鳴珮珊珊動金屋至尊錫燕禮殊數夜醉天街秉官燭材猷俊傑天所生浙右何人並高躅或時一長嘯發興在篇章最愛謝玄暉要與參翹翔清詞迴蕭灑銀漢瀉秋水翠袂流西風不遺纖塵起天香霏霏光萬里丹桂庭前露如冰綉筵絲管激青雲々裏長庚映箕尾小儒再拜竭日月

作客龍門助深喜寫詩聊得比崧高宵使前人有專羨

寄前制授真人方方壺

昆侖翻風滄海枯平生所作知幾圖方壺道士上清客
雲霞衣裳冰雪膚胸懷濩落天地虛曠睨日月隘八區
朝遊閬風夕玄圃東走碣石北幽都放情海岳隨所如
手攬造化供臨摹人間寸紙不易得者不愧雙明珠
我懷武夷山無由寫半幅山勢極清妍陂陀皆九曲曲
曲下臨川光浸寒玉其中山人結茅屋長年著書
未足陰歷蕭森縣古木陽谷靈芝秀紛馥栗由一去不
可復夜嘯音猿明月獨嗟余心事胡局促何日相從駕

高孟文延桂堂

我愛君家堂前之古桂偃蹇連蜷知幾歲根蟠厚地如
赤蚪旁礪扶輿曾元氣孤漂挺削寒玉密葉團蔭
繁翠蓋翠似壺蓋廣寒宮闕今何在吳剛仙人愁不
來竟日孤吟漫相待高揮玉斧臂欲斷誰道艱難有千
載秋風吹桂樹明月照我懷起行視天宇逸興真悠哉
振袂飄長嘯意欲凌氛埃遙吹紫鸞笙飛步登上台銀
河寢無緣天門正午開天公頑玉女勸酌九霞杯大笑
世間人擾攘胡爲哉六龍西去東復回扶桑若木枝半
摧君家植德世已遠此種當年誰所裁何當同攀援感
此長大息小山賦詠隱往事亦陳迹人生匪行樂百歲

復何益幽厓蒼々上千尺日望飛雲遶空碧安得佳人
天外來共拂秋香醉瑤席

送前編脩周益東再應辟之京

大江之西天柱峯高々上與元氣通先生隱居在其下
腰佩寶劍多光價衣纓蟬聯世大科奏賦曾上金鑾坡
揚之位忝名法從豈愧消搖老供奉

太平天子乘六龍一輪紅日青天中玄黃廟壘來萬國
衆星並拱天北極

皇圖聖壽於萬年先後左右多材賢鶴書又咫文五色
岩穴何人不數迨先生此行未可辭吾道藉爾經綸之
翩雲漢鳳凰羽盛世瓊龍斯接武丈夫墮地湏有為

王事勉、當駿馳人生惟患惟孝爾雖艱西家何足比
許國之心一寸丹畢力曾不同素食娘煩在史冊
卓然萬古聲蟬赫夫容高花豔滿城驪駒歌罷若為情
入朝正是九月半蟲子翱翔偏在眼早逢南鴈湏寄書
無忘執手野鷺瘦青雲老我漫回首富貴功名亦何有
聊將尺牘寫殷勤不盡區區述所聞

見白髮書感

我髮本漆黑始自今日白人生百歲能幾何事長年
苦為客我年忽已四十強舌存齒弊視茫茫一朝把鏡
看白髮之於人何短長江風颯颯吹白楊中夜起舞
爭拍惶莎雞振羽未六月坐感蟋蟀鳴中堂兩輪迭運

四序忙少小有志今未償讀書皇
上空谷聖賢大道誰主張懷仁輔義恒轍轉此豈泛駕仍騰驤磨肌戛骨
自矻矻攬環結珮寧辟々微言有會或指掌妙理無窮
真斷腸古來方用俱爛熳孰與孔孟爭翹翔申商揚墨
尔何有其時約束如駝羊九圍共仰正人紀萬世獨倚
扶皇綱亂臣賊子皆膽泣角崩稽首那陸梁空言述託
寔如此行事分明從所望由來以德不以位昭代廟祀
尤輝煌薄言采藻助薦豆更睹大禮瞻清光蹉跎流落
竟何及短褐蕭條憐互鄉嗟余蹇拙百不當顧影極
心獨傷釣鼈未向三山去別蠹空令萬卷藏山中飽飯
聊可嘗宵憶江湖多稻粱世路愁人如蜀道更兼風浪

似瞿唐却憶東山公日望東山雲從容持白羽談笑舞
紅裙何用故多憂戚少為樂明當援北斗與之共斟
酌奈何千載間逝矣不可作維山仙人見如昨萬里吹
笙上黃鸝東風遠醉碧桃花何日因之步寥廓

讀周子諒詩

奇才天所生開口學未能大空作雲雷起陸神妙千年
那得名我吟周子詩俊拔安可當元白摶碑易李杜參
翹翔畏途九坂罕湏力足躡天梯倚天碧俯身不折金
莖花下視河流出西極神雞報曉海色曙朱鳥揚煇電
光赤從容典則具深嚴迭宕扶疎重赫奕同流元氣互
吞吐旋轉乾坤同闔闢人生有才不易得使我見之為

大歲驛驅汗血日千里戀豆駕駒終伏櫪近年此道尤
可憐湏耳哇咬爭後先江湖情恩涉誕漫風花光景事
留連由來世運有代謝文章信與時高下自恐齊梁作
後塵誰當屈宋方前駕我誠流涕為君言雅頌無過三
百篇慷慨廩鳴思野草沈吟清廟拂朱弦拂朱弦真奈
何看雲撫卷一高歌古來作者皆殊列老我無成空咄
嗟

寶劒篇

龍文寶劒珠玉室我善藏之慎毋忽青天把似知者誰
聞向秋風一披拂冷光淡賜岩下電入手鋒鋩變霜雪
生平未試且復休思獻王明有時日憶昔樸坯初冶鑄

混合精英乃神物陰陽翕闢雷火飛五嶽動搖海波歇
山猿驚號魑魅走百怪止形膽為裂湏臾眩轉如長虹
赤氣上埽撓槍滅秦山橫磨山骨礲河水半淬河源竭
青萍吹毛未足陳莫邪干將此其列洞庭老蛟聞已泣
恐即淋漓頸流血朝廷欲斬佞臣頭出匣悲鳴_〔飛掣
丈夫磊落忠義舉小人悚息奸邪折黃金白璧價莫酬
正直付與當自別烏乎我生何姽婳刺眼生憚瞋莫殺
直呼斗酒醉肝腸為爾狂歌五情熱

贈別袁宗訓之武岡倉曹兼簡湘潭稅使劉殿

初

飄：文采珊瑚碧畫船千里來官湖澄江亭畔忽相見

握手一笑懽如初與君別是五載餘君行橋真龍駒
名家兄弟盡才俊接武照耀青雲衢桐林德澤自先世
堆琳素有笏與書煌宦譜垂豈弟文學政事尊前謨
聖朝尚德右文治山澤隱迹空樵漁丈夫貴為知已用
磊落豈負七尺軀敬共事職無小大委吏猶表孔聖模
先生經緯固密勿有道隨時從卷舒此行治栗武岡郡
爲計不假師淳于荊州禹貢法已定三壤順則輸王租
亂餘民力半凋耗辛苦粒皆如珠斛春斗激慎勿尔
上下惟允稱良圖由來倉氏職匪薄軍食所寄國所儲
秋郊浩復相送上馬徑往無踟躕官程或出長沙道
長沙知己今何如三年夢寐隔山岳遼風矯首徒鬱紆

往因今弟曾寄字片紙莫寫肝腸枯煩君明日當問訊
衣綵何時看婉渝

七谿歌爲鄉性初賦

七谿乃在金川之城南一水橫帶青如藍幽人結屋臨
溪畔倒影澹濶萬象涵七溪之景真絕凡七溪之樂誰
與孰由來雅趣君所尚此豈易與流俗談波聲入戶龍
吟雨斷岸復聞黃鳥語西風吹面碧天沈悅惻寒光開
水府疎篁茂樹延脩徑菱葉荷花間芳渚平橋宛轉曲
通流題柱何論老司馬扁舟散髮恣遨嬉入望風煙似
渼陂官道紅塵飛不到坐間時誦少陵詩君不見昔人
濯足滄浪水彷彿歌聲思洗耳地賸還留千載名茲溪

高信得君始

凌雲篇美郡守王侯敬仲禱雨有應而作也

凌雲之峯天與齊上有夭矯神龍之天池天池神湫龍
變化為雨可以蘇瘡痍我侯真天人感此天地心維時
久不雨惆悵增煩襟曉瞻凌雲峯暮即凌雲去手把玉
夫容足躋雲中路雲中路為問神湫渺何寥方池儻影
捲霓旌只尺冥冥合烟靄即呼東方龍為卷東海水復
呼西方龍為卷西海水中央鱗鬢天門開南北崩騰朱
囊起鏗鏘橐橐並駕五雷車湏臾周八極大地為滂
沱枯槁獲蘇息怨咨成謳歌春秋書大有異厥陳嘉禾
龍不有其功俠不以為德所感惟至誠靈響誰能測

儒作歌諷子墨亦欲上之太史策千秋萬歲頌時相傳
必昔人金石刻

玉山草堂歌為李徵君次晦作

李侯家住眉山西雅愛溪山心不移又結草堂玉山下
草堂顏色何光輝玉山蒼蒼甚蕭灑玉琢夫容落平野
牕戶常分空翠飛階除日抱清泉瀉崔嵬三十六青峯
青青秀出扶桑東晨晞綠髮大霞杪雲際團團初日紅
新栽小樹引行徑好鳥共帝春晝靜平頭奴子六尺強
閒埽落花心不競郁木坑頭柳木枯蕭氏隱居知在無
有時汲水煉丹井倒影空搖明月孤飄飄此意何所惜
漢尉登仙人不識布袍上疏天上来却向茲山生羽翼

造成千載身獨高四七之際名虛逃赤符幸睹六龍駕
剛卯徒愁金錯刀烏爭往事從已矣木末清風灑秋水
幾時駕鹿待相尋雙鳳吹簫五雲裏濯纓結佩南澗陰
芳草未怨無歸心共招白鶴向林舞更聽清猿抱樹吟
羨君此境為君喜走筆題詩泣山鬼杜老窮愁喚不醒
浣花舊宅應如此早歲休官今已閒玉山長好對溟山
只尺莫論衣帶水江上釣舟從往還

讀虞雍公江樓看鯈歌

常憶豐城兩神劍往往人間未之見忽睹江樓看鯈篇
輒有寒光著人面豫章高秋氣肅高閣臨江照開燕
錦袍公子淬鷁鷀歛吸晴空色為變差如帶曉霜薄

隱猶存數星現志士幽人不敢扳膽掉心寒身手顫
是時天下太平久老將無驕兵亦倦豈知神物非偶然
虎氣騰夕難辨聖人用之不得已谷可移号山可轉
長鯨斫斷海岳清千古姦邪命如綫文章琬琰世所重
此効與之無貴賤但得長留天地間瀛海無波六鰐真

二月十六日邑庠司訓孔貫道生旦

江城春半無啼鳥雨歇高檐日初曉有客鳴琴發浩歌
開筵跪進長生酒長生酒好湧滿斟佳時莫惜千黃金
尼山日月斯文在泮水風雲麗澤深麗澤深昭盛代共
際河清聖人會鳳凰麒麟布郊藪瑞世儀刑此其最先
生儀世夫豈多英才樂育懷蓍義逢萊三山半天上可

以獨步今如何請為三山吟仙人見風采冰霜厲羽翼
長嘯凌滄海瀛頭艸樹皆五色綺戶雲懸今不改今不
改此去未應難神仙事有無痛飲君莫言先生有道希
聖賢小住人間當百年

三月二夕與胡伯春席換章高允憲同燕鄧氏
齋館得何字

淵序兮柔和嘗清夜兮若何秩嘉賓兮左右冠切雲兮
巍峩敷瑤席兮靡靡式來燕兮來儀蕙肴絲兮並進播
芳馨兮孔嘉泛羽觴兮飛月挹清醑兮浮波牋今夕兮
何夕誕為樂兮獨多倏余懷兮渺渺寧玉樹而長嗟胡
百年之易老時冉冉其蹉跎逝駕言兮遠遊駟玉蝴蝶

白螭騁余目芳玄圃晞余髮芳陽阿無不足芳無不得
因以順吾命芳矢於此而弗化

題豐城黃尚英竹山隱居

黃氏世家劖江上十畝之地多種竹春風歲々長兒孫
姓日階前森似玉君家十世先後父太史雄文誰可續
一門袍笏堆滿牀仲氏巍科並高獨由來雙井原來
流派當年多令族竹山種竹成隱居譜牒煌煌在空谷
先生執德世所貴尊祖敬宗義逾篤山中歌詠聯纂組
雲錦繡絲光奪目我時讀書漢江上頗亦無心浪流俗
仙人拾翠瀛洲來待我昆丘駕黃鸝竹山之山渺何許
竹實懸香丹鳳宿翩然搖曳雙珮環便與吹箭傍山簷

手機北斗寫寒涼雲月流輝照秋屋時得句竹上題
儘過封侯燕食肉西家愚夫亦何物俛蜀鶴籠雜雞鶩
丈夫卓犖不可羈直氣轟騰雷起陸交親千里即命駕
駢驥驛驥共馳逐知君高節素蕭灑屢履常歌紫芝曲
杖藜廵簷稱野服小達蒼苔還自勗朝日上報平安
賸把羣經課兒讀

題錢太守浮玉山人傳後

浮玉之山湖水中出水夭矯回飛龍山人隱居在其下
秀色當戶開夫容山人宿昔面如玉天下有書無不讀
文章宛琰照當時美價連城光奪自世家吳越重清門
廟貌丹青鉄券存自古勲名垂烈祖至今文采繼諸孫

茲山飛舞來東海一片空青半天外神光夜接扶桑日
璀璨丹霞流五采山之人兮浮玉仙曾騎白鶴到青天
銜書親拜玉皇案惹得鑪香兩袖煙紅袍作郡金朱帶
共說能官最蕭灑階前白日靜於水惟報吳儂覓詩債
披圖此日倍悽然二傳空遺太史文溯風讀罷看殘雨
忍聽西山泣杜鵑

題蕭用濟樵嵩軒

西風駆車宦游薄長道悠悠涉河洛嵩高老檜皆可樵
稅駕何由解塵縛蕭條二室走麋麋懶性平生戀丘壑
憶從鄉書忝朝薦惆悵雲林迹如削得官偶廁玉堂眉
文史編劇窮晦朔儒臣載筆乃常分執事未憂筋力竭

一朝陞辭復補外劇縣勾稽絲緡駿寸膝豈救牛丈渾
革牋擬步冰華落坐虞衡槩有顛躡回首風烟徒漠漠
鳳凰銜書霄漢裏白日垂光照地角角巾便許歸蓬蓽
繞籬松鞠都如昨舊編再續兜子誦新酒更邀鄰里酌
松棘栖鸞未足慨延瀨負薪真不惡朝來持斧入遠谷
坐倚青松吟白鶴依依碧嶂開罨畫絕似當年望嵩岳
但能飲水療飢腸送老柴門貧亦樂

己未夏旱郡守王公恪夜夢所治巖井有蜿蜒
若龍物者明日命郡士談筠瑞繪于壁為文祭
之未幾雨隨至因題詩其上筠瑞錄于卷屬余
和之遂用韻附于左方

筠翁畫龍真是龍。郡壁振撼雷電中。
龍光上與天門通。歛乘雲氣遊。
空濛井水照影不可測。海若持節絲來從。
一雨化作地上金。時和安用玉牒封。
吁嗟龍兮誰語汝。王侯豈弟臨茲土。
龍兮兮吾豈知畫者流形心獨苦。

西昌蕭子所讀書處

武山遠出西昌之上游。地峩千祥如郁木。
昔有子雲宅。君從武山並高躅。君今讀書學子雲。
高風偉節為清門。平生忠孝出天性。磊落行誼光秋旻。
三年在學教胄子。一日謝官歸奉親。
最愛武山好。斑衣照耀書帶艸。堂中怡愉多壽考。
春風把酒啼鶯早。龍琴罷彈江水深。
鶴巢無恙松花老。鑒予未歸癡不了。泮水橫經事。

探討望美人子懷渺々武山雲飛日回首曰回首焉得從之共吟嘯潦倒無庸空白紗武山讀書天下聞

戊辰三月十六夕同彭侍之宿周存誠所取虞文靖公樂府杏花春雨江南之句分韻賦詩得

春字

荷湖：邊三月春棟花飛盡荷葉新：田雨是農事動布穀學語夜達晨與客竊泥尋故人入坐不知西日曛兒女出拜俱髫齡視我何殊骨肉親人生有道交有神高誼不讓雷與陳燈前酌酒：半醺拔劒起舞何軒：華蓋之峯碧嶙峋文章光燄摩星辰昔年累直金鑾殿四朝侍從老儒臣一時義烈揚清塵清詞千載餘芳芬

誦之如奏清廟弦使我慷慨神凜然風流異代隨飛烟
未知今夕是何年結盟自期金石堅佩纁有待徵斯言
鼓待之嘗聲之先生之從弟也王辰兵興僑居
南昌之石岐洪武戊辰三月來會先生之葬於
郡城始克相見為余言其別業之勝號曰浦園
遂歌詩為贈

昨日曾吟蕙橘些今日又賦浦園詩托交二妙感今昔
此意悲涼誰復知蕙橘舊宅遺簪笏浦園更近鎖蛟室
先生自與世情踈滅跡紅塵身玉雪身玉雪夫何如浦
有魚考園有蔬魚多鰯鰐可垂釣蔬種韭菘時自鋤蒿
歌或儻滄浪愛高詠或尋黃綺徒飄々宛若飛龍駒幽

懷故鄉明月虛清風直欲歸猿狖兩眼豈識名利區近
離舟過清江上淚濕麻衣送兄葬別家已是三十年遺
畫坊前重懷愴百歲光陰非少壯此去桃源歸未歸浦
幽蘋深愁教嬉人生有情重山岳遲爾重來把酒卮

次韻答戴待之

是吾鳴琴坐芹泮十年不調飴官飯六經一一未能窺
鑿究義圖從弱冠闔陰陽稽造化弥綸天地資神斷
吉凶懷咨微義遠進退存亡人事慣共惟四聖契玄理
匪坐讀書增浩歎詎知流年欺潦倒齒弊髮稀昏兩盼
老生相見大苦晚甚若雙星會銀漢交親氣槩世所貴
爛和雄篇日何限遙吹玉笙載紫鳳恨不從之生羽翰

衣粗食淡渠未識嗤彼纏腰十萬貫浦園灌釣憩寂寥
溫鷺夷猶長作伴潛夫不協非熊兆矯首雲山是清玩
平花簫灑臨江樓尋君日來街頭塞余竊位儕下士
才薄不及常人優贈言有請慕回路洗耳一顧贊嘉猷

賦劉尚忠還山亭

我吟還山亭愛尔還山好眼青
鬢猶綠五十休官早孤
蹤去城闕長嘯入煙島青松當戶宛如昔
落花舊徑重堪
埽蕙帳不聞驚夜鶴池塘惟夢生春
州還山好真可
樂往者不可追今日已非昨
榮利絕紛拏簪組從脫略
游雲尚知歸人事未應錯倒行逆施畏日晚嗟彼絲
竟何若天涯搖落秋風多射工舍沙人影薄蠡然作

河大遲每爲思之懷抱惡還山好真可奪綉衣脫却換
布衣遶舍盡日看來麻鄰翁三五間來往絕似吟潛處
士家洞前時挽白鹿車鳥啼青澗無風沙商歌夜振山
石裂坐引北斗斟流霞還山好還山好我亦携書已十
年相從願共山中老

荅廬陵縣庠王司訓贈別兜書之作

先生官獨冷惻惻誦醉時歌蕭條客舍看長劍桃樹春風
奈老何蹉跎經濟百無術否泰盈虛惟信易南山松桂
倘可期便欲還山吟白石兜癡竟何似曾未解臨池帳
望九秋鶴徒憐一丘夢從師既不遠豈惜輞相違春秋
聖經俾親執講求大義思一一清江先生吾故人坐擁

皋比居大邑，闡幽微。顯龍玄窟，連林豐。
常終夕未懼，遙分鄰燭輝。最欣共接諸生席，惟君司明訓。
有道志伊周，窮源泝月窟。望海登高丘，嗟我未見情已切。
況蒙近與兜，曾別何時相遇。一披寫鮑軒，高論心先折。
青原南望入飛雲，片紙區區不一陳。
鷓鴣雨歛生杜若，長歌欲和愧陽春。

寫懷用王默淵道紀韻

高樓月落鳴曉鐘，騎鯨思上蓬萊宮。
年華荏苒逐流水，白髮羞對葛嶺之青峯。
緼袍未足耀朝日，叢桂聊可吟。
秋風露溥草砌寒，蛩霜墮榆關。
早鴻飛仙曾聞鶩，金銅九重珠珮紛。
玲瓏四方佳士如雲從，寧論千騎與。

易鐘胡為潦倒差文窮覲顏竊祿慙疲庸九有以載車
書同時之泰芳繫其逢君在屋西我屋東何由拂袖歸
山中

雪崖先生詩集卷之四

文淵閣大學士兼翰林院學士男幼致編

七言律詩

題吳德永悠然堂

吳家祗在宜州住所謂伊人總不群瀟洒玉壺遺俗累
離披金薤有奇文市塵擾擾東西隔山色重重遠近分
却憶陶潛題句好高風寥邈至今聞

聽雪蓬爲崇明州牧豐城錙伯序賦

蓬窓坐聽酒長空慷慨幽懷孰與同海上畫饑嚴勁節
淮西夜入奮孤忠詎論郢客歌難和浪說梁園賦亦工
勲業艱難期樹立千秋竹帛照無窮

賦陳道士澗泉

脉脉遙通石竇香泠泠長喜近山房
秋寒龍卧涵星采春暖魚行漾日光洗耳暫思同
潁水濯纓猶想勝滄浪道人曉汲無塵事要寫金丹九轉方

耕學軒位先生邀賦

昔人曾是帶經鋤學稼無令學業疎久向鹿門尋舊隱
常從牛角挂殘書秋原黍稌雲黃處春草池塘雨霽初
亦有薄田堪自種臨風幾欲賦歸歟

美太守祈晴有應

寒溜翻簷苦積陰日車扶彩上穹林四郊未忍斯民困
群望應知太守心官舍新梅香繁玉山田熟稻穗纏全

燮調自與神明合況是中朝屬望深

錢士荊周文瞻惠力寺留題追次其韻

松闈夾道萬脩筠十里光風促早春冠蓋雲烟來結駟
樓臺日月隱飛輪浮龜石見遺珠采伏馬橋橫映翠鄰
勝賞留題聊屬和後塵奔走愧無因

助教李叔荊寄張編脩次韻

進講晨趨白玉筵霏霏冠蓋擁雲烟天顏只尺臨丹扆
羽衛中間立采旃演易早研先聖學說書寧愧伏生賢
所朝圖治敷文命喜見群龍見在田

送廖尚賓入京

漕河水長緣於藍津吏晨催理去帆麟鳳在郊多士集

風雲接地聖恩覃。金門載筆鑑烟煖。
紫陌鳴鞭彷。步景酣
綾誥定知新渥命，即瞻喜信附泥纖。

送袁景陽縣丞考滿再任興寧二首

天路飛翻綵鳳毛。最書初上紀賢勞。
垂紳鷺序朝儀會
載筆螭頭殿陛高。時考滿者率命於殿中
選定然後去玉案和羹分。

芍藥金槧薦果賜。櫻桃還官復喜還鄉好。
夾道松杉拂繡袍。

馬前負弩擁旌竿。過領爭迎舊縣官。
賣劍買牛夷俗變。其地多海
鳴弓射鴈邑人安。水柵帶雨江聲暗。
鹽井通潮氣。塞坡老昔遊多勝賞遺文定許寄来看

春日共劉先生諸君遊鳳洲

飛雲不隔三山近，斷岸中分二水流。
丹洞景寒龍已去，玉簫聲斷鳳曾遊。
先賢廟貌遺焦土，舊俗人家有釣舟。
芳泮春光應咫尺，千行楊柳半城頭。

墨客侯伯俊携先世名公鄉所題行卷見示因

贈

龍香曾與南州貢，鳳綺猶存閣老題。
百代文章傳董賈，一時著作付潘美。
玉堂視草春雲重，梁苑飛花宿雨迷。
況際聖明脩禮樂，尚方宣索比玄圭。

挽周別駕子獻

王程詎勉事多違，忍見孤嫠負骨歸。
驛足悲涼憐白首，鳳音寥落惜金徽。
風烟淮水遊魂遠，燈火清江昨夢非。

聽殺啼鵝吟楚些不勝東望淚沾衣

題王彥中具慶堂

十畝槐陰覆草堂
堂中鶴髮白如霜
齋厨膳具青精飯
羹寢衣薰紫麝香
蕉葉翻經朝學道
金丹却老晚尋方
郎君載筆休衙早
時共諸孫捧壽觴

樂舞生入京

玉京儂觀五雲端
樂譜新翻自廣寒
羽佩晨趨朝帝闕
鳳笙夜奏祀天壇
金光不負山中約
紫氣常從日下看
尊酒臨河重相送
摩挲黃鸝上飛翰

楊仲恭南隱山房

自是前朝老將家
山圍何許護栖霞
雕弓畫戟成塵夢

野服黃冠感鬢華應
神龍蟠寶鼎那無羸犧駕柴車
黃花采采西風晚目極長天不盡嗟

寄松雲上人

金刹涼颸度篠階醞酬曾契上方齋閒來入社非無分
老去尋山謗有懷龍戶遺珠浮水洞鳳梢殘墨照陰崖
紙囊分得孤山品絕勝南州石斛釵

題胡士璉使鬱林圖後

鬱林西下灘水清吳鈎雪色照長纓畫圖半幅遠人意
雲樹千重歸客情貢賦盡輸南嶺登臨更上柳州城
自緣使者知風土只在忠勤答聖明

題錢舜舉山居圖

錢選風流妙天下粉圖半幅重千金青山鳥道白雲棧
赤岸人家紅樹林六箸畫閒誰是伴長鎗歲晚亦何心
洞門倘許來雙屐不負瑤華寄好音

霰雪次松房韻

臘月南州苦霧消寒更江郭霰珠跳繁聲亂屋驚鶯瓦
碎顆侵床冷鳳綃有客免園催授簡無人金帳坐焚椒
預知膝六先施巧搃待飛花散九霄

水西舊隱爲宜春夏仲寅賦

茅堂瀟洒傍江沙此是前朝進士家俎豆蒸嘗存典禮
弓裘迷作繼才華盈倉妻獻門生粟掃徑時未太守車
猶記昔年多雨露木奴千樹長新花

次錢太守相公韻

一經自愧忝儒官早候旌車接近懽政簡即看三邑治
化行先喜四民安宮花錫宴分春色瓊寢凝香護曉寒
疊疊官箴寧敢誦高吟自足視杆槧

僧錄宗昉答蘇平仲詩四首因次其韻取劉白詩

西竺

聖主恩覃萬國歡貝書親捧幾年還四方風俗今同軌
北闕朝儀每異班一宿安禪踰寂寥六時行道自循環
就中色相誰能識流水白雲多在山

寶臺雲擁玉闌曾千葉金花繞鏡燈龍女珠纓空外見
象王法駕日邊乘丹青草樹迷香土錦繡烟霞覆衲僧

我欲上堂親聽法三生結習竟何能

白雲秋水滿江南尤愛清風寄一閣書下曉從丹鳳闕
飯來晚出木魚龕維摩病室曾親到大士真乘許獨參
四海雍熙同善治賜官又喜帶新銜

官居寵秩等儒臣瀟洒金門復樂人萬國幢幡爭帝釋
五天樓閣固皇仁珠函講遍無遺字金策朝回有賜銀
貯得上方甘露水願分一滴到疲民

次韻太守相公遊慧力寺

官曹收印簿書閑五馬蕭蕭度半山夾道松筠皆出色
上方猿鳥亦怡顏已聞題句登臨後尚想留衣紫翠間
愧我臨池多未暇可勝金望倚贊屹

石泉風磴隱脩筠寶殿晴開日正寅流水摠隨車馬至
好山多與衲僧隣金銀境界元非舊草樹夭香別有春
尚憶河東賢太守至今遺墨付斯人

西老詩贈新喻羅西玉

居八百原

渝上千峯擁百原故家文物至今存過眉鳩杖堪扶老
積按蟬編只課孫石髓每分食玉椀苔紋日長蒔花盆
待余携手空同上更約安期與共論

謝民瞻東山杏隱

昔聞江左謝公敷今見清江有子孫勛業一時餘汗簡
衣冠千載重清門藥鑪伏火爛近玉樹臨風雨露繁
猶說能醫同相業不妨種杏滿江園

題盧以忠玉鑑池館

池館清幽似鑑湖玉光浮日動鼴能臨流觴豆蘭亭燕
列座衣冠洛社圖露下蘭苔栖獨鶴風漂荷芰浴雙魚
雲山不在瀛洲外何日同驂太乙輿

艾子才環翠山房

玉筍千峰錦綉堆林居寧篠翠屏開藥欄引蔓侵書幌
石竇飛泉入酒盃詞客或留蟲篆去山人時駕鹿車來
桂冠已喜歸田早魚鳥相看拏不猜

湖山雲錦堂為南昌劉肅賦

我愛湖山雲錦堂湖光山色兩微茫蒼龍孽陝晴烟濕
白鳥綠波暑雨涼投老慕松思李白放情載酒憶知章

道人燕坐無絲竹手閱金經炷好香

次韻聲之先生感秋

百二河山明日月秋光冉冉淨飛蓬
银河夜下金莖露玉帳晨吹畫角風
龍馬負圖詹聖瑞麒麟遺像識英雄
書生戀闕心尤切擊壤酣歌共老翁

學館迴翔幾十載徃來深識故人情
山林潦倒非無用江海風流亦有聲
筆硯治生雙鬢短功名蓋世一毛輕
太平誰似堯夫好行處依稀似洛城

白雲爲宇宙爲局階下長年草自青
愛客祗唚嘉樹傳課兒猶講大玄經
閒將樂石裁琴薦自壓糟床注瓦餅
送老湖邊無一事百年心迹寄流萍

自嗟貧家不識愁年，耕種在山頭。辛勤衣食聊隨分。
落魄詩書信幾秋。春兩林邊三畝宅，西風江上一虛舟。
投閒總有投簪意，何待金錢買小丘。

一籞涼冷曲江頭。幾見江城出土牛。玄豹林深藏霧雨。
蟪蛄樹老識春秋。親交未說甘如醴，直道寧慙曲似鈎。
珍重諸公都好在，忘機長伴伴輕鷗。

次韻匏菴中秋之作

彩雲銷盡碧天垂。坐愛南樓夜景遲。踈影婁回烏鵲樹。
清光偏滿鳳凰枝。蒼龍自昔通牛斗，列宿何人應尾箕。
慷慨未須驚節物，且題新句寫烏絲。

將歸呈敬仲王太守相公

旅館西風白苧秋。鄉山南望日登樓。菊荒三逕詩堪續。
節近重陽酒可篤。久客漫傳鵝信還。家已弊黑貂裘。
文章太守應知已。欲訴閑情半是愁。

壺洲圖為道士徐穉本賦

金莖花照海。波清圖畫分明似玉京。雙鳳畫隨天影下。
六龍夜送日。光生烟雲紫翠連。三島樓閣青紅接五城。
亦欲凌風振霞被。仙丹為問絕時成。

賜上清道者何仲旭

送君花下寫鸞箋。官舍重逢又五年。自信尋山因避俗。
誰知行地即成仙。麒麟日月瀛洲外。龍虎星辰紫極邊。
許我夜寒分半榻。竹爐生火共談玄。

贈劉志清之五羊省伯父

弱冠才華玉雪清。錦帆兩月數瑤京。
名家勣業尚書澤。遠道勤勞伯父情。
島樹經霜銷瘴霧。海花墜雨送潮聲。
廟闈多士遙相憶。有待都門賦早鶯。

贈中和老人

越中老人年六十。心似孤雲身最閒。
濯足慣聽湖上雨。振衣常對海門山。
兒能荷蓀事畊種。客喜抱琴從往還。
松下芝花應五色。庭須躋犢到人間。

王彥常雲谷

白雲竚竚見雙峰。翠谷逶迤復幾重。
採藥自知幽徑孰。看棋猶恐世人逢。
千年老樹巢仙鶴。六月寒岩卧雨龍。

愧我何時稅塵鞅青鞋布襪日相從

夜宿敬仲太守宅贈道士陳澗泉

天風吹面鬢毛飄
鶴背懸澌雪正開
仙袂凌空蒼玉動
錦箋題字煖雲迴
山中藥訣藏丹檢
月下簫聲散紫臺
寒夕暫留公館住
却疑清夢遙中台

執法居敬胡先生雪詩次韻

松頂垂垂玉筋纖瓦溝的的水晶塩名姬勸酒歌金帳
紅女停針望繡簾坐咽蠻鈿粧乳舌旋調金盃蔗漿甜
晚天未覺回新照寒雀紛紛噪畫簷

庚申正月二日雪匏閣來過戲簡

油鞋竹杖海南笠麗澤樓前着雪來老大精神逾凜冽

新年毛髮更毵毵，未知灞陵詩思苦。
尚憶山陰興盡回日晚，送君關下路。

海天何處是蓬萊？

次韻松房上人寄太守之作

旃檀樓閣舊栖禪，珠綴金幢白玉筵。
問訊數煩明府駕，齋居長誦梵王篇。
每懷陶陸成三咷，未愧山王擬七賢。
何日蹇驢同出郭，野橋村巷縱金鞭。

清江文學操周子獻先生自京師歸復還廬陵

贈別得聲字

日照江梅衣被清，路乾風軟馬蹄輕。
東書已遂歸田計，解組何勝戀闕情。
錦橐龍紋餘賜幣，璇霄雁塔有題名。
長歌擊壤青原下，彷彿遺音接頌聲。

庚申新歲三日大雪

庚申紀歲開三日大雪平鋪二尺深客裏不妨門獨閉
街頭猶恐路難尋葛峰面如葱領荻港叢似柳林
預想年豐宜作瑞太平風景又從今

郡署奉陪進新歲賀表

雪霽官衙曙色催佩聲初動鼓如雷元正表進嚴藩府
紫霧香霏遠上台懸綵遠臨江驛柳開函近映玉堂梅
小儒幸忝春班後北望何由奉壽杯

奉次匏闇新歲聞雷感懷之作

殘雪封泥尚滿城樹頭雙鵠報朝晴郡符新下垂條教
鄉飲初行序老更山鳩日妍桃臉嫩漕河風暖蔴芽生

昨宵忽聽春雷動却憶村田候早咲

贈張本中自通州衛費二百戶誥入蜀時便道
過家

峨眉西望極天長海戍還家又趣裝官馬曉駝緣鳥道
使星夜轉度銀潢營連廟衛雲烟靜詰捧鸞綾日月光
聖主覃恩無遠近歸期會見早爲郎

贈胡孟節之嘉興文學掾

曉捧除書出九天彩雲飛送淵江船濟南講席遺經在
安定名家世業傳夜雨蟲螢懷耿耿秋風鶴翮自翩翩

聖朝教育恩尤渥長誦菁莪近日邊

戊午郡庠除夕

草根霜白角虧寒獨夜江城歲又闌百里未歸仍是客
一年多事強居官燈前爛漫椒花頌案上蕭疏首蓿盤
擁被不眠瞻曙色春班早擬正衣冠

敬仲太守入覲

柳外雙旌擁畫船遠持使節再朝天光瞻玉座龍衣近
序列彤庭鶯羽鮮銀管特書奉奏最宮壺錫燕喜傳宣
上林春色偏宜賦雅句尤多照錦箋

贈樂舞生赴潭王府教樂

紫綃衣上繡丹霞寶殿晨趨帝子家觀樂定來吳季札
築臺仍見漢長沙湘江鼓瑟游魚近緜領吹笙舞鳳斜
注目鈞天渾只尺凌風猶想載河車

贈楊生伯原赴章貢軍府從事得朝字

儒冠直許換兜鍪上膺馳書早見招行色蒼茫連浦樹
才華掩冉照蘭苔虎符曉下催飛羽玉帳秋閑趣射鵠
千仞鬱孤南望遠為言送爾在今朝

送道士江澄心入京尋其弟子

遠遊仙佩接飛霞東望蓬萊近日華丹鳳感雲藏瑞檢
青牛度雨載輕車玉樓夜聽瓊簫合銀闕晨瞻綵旆斜
弟子于今承寵渥明朝待醉碧桃花

種德堂為新喻胡學敏賦有母在

庸卧閑門長薜蘿高情蕭灑近如何雨香石楠春晝茂
風燭山圍曉杏多墨洒錦箋來好向方題金匱起沈疴

知君種德由先世濟物長教善不磨

邑稅使賈惟中考滿之京

金水亭前理去舟秋風嫋嫋思悠悠離筵酒盡茱萸游
旋旆涼生杜若洲仙掌日華瞻鳳闕五城雲氣望龍樓
明時政爾須材急考最寧煩久滯留

奉送錫復元應辟東上

江上秋波如練光逢君雙鬢已蒼浪半生蠖屈待時至
千歲龍文寧久藏行色匆匆計吏直詞諤擬封章
山人頭白應多少爲尔酣歌一慨慷

夜讀元史

先朝垂統百年餘今代淒涼太史書禮樂治衰時已矣

忠邪論定事何如幽燕雪暗河關癡豐沛雲寒廟貌虛
俛仰人間如夢寐燈前展卷一欷歔

次韻答陳隱君伯淵

江浦雲飛思渺然美人望隔晴川山房石室秋風外
野市旗亭夕照前入饌味甘銀鱠美泛杯香烈紫萸鮮
一門羣從多才俊日想題詩并共傳

艾錄事元暉貽示牡丹之作次韻

艷質繁華称妙齡綺叢富貴壓凋屏香分近席輕裾染
色映長衢結駕停錦幄曉籠疑縹紗翠裙晚折愧娉婷
東風載酒須同賞肯信流年鬢欲星

楊妃芍藥

留得餘酣到晚春
風流百媚似前身
玉樓燕雀粧新妥
銀箔香銷臉未匀
映日尚疑翻舞袖
倚風猶似跕芳塵
恨無李白清平調
詠賞徒教付後人

送道士何仲旭還上清宮

鶴喞秋思海天清
千里歸帆幾日程
石室復尋丹檢祕
玉山遙泝紫烟明
星沉積水窺龍戶
月落長松聽鳳笙
堂上老仙煩問訊
願求半幅寫蓬瀛

秋懷二首

寓酒湖作

斗柄西瞻一月過
浮雲流水謬蹉跎
鳳笙闋奏從誰聽
梁燕高飛柰客何
金井有聲秋思悄
紙屏無恙晚涼多
寸懷未寫成孤嘯
落日長江湧浩波

西城百尺俯澄江。上孤亭合小窓。秋月自傷千里別。
春濤誰使寸心降。騎驛路暗殘金勒。翡翠沙寒棄玉鉗。
過客凭闌倍惆悵。晚來從駐木蘭艤。

山陰寓新淦城南村居寄簡

江峯秋晚暫停車。來往城南數里餘。山路酒旗村客店。
槿籬門巷野人居。頰花半白閒堪採。柿葉初黃淨可書。
前日小窓煩見顧。高文示我意勤渠。

山陰見和之作

西風落木駕柴車。滿郭浮嵐夕照餘。綠酒蘭燈留
小閣青綾筠簾夢幽居。多情宋玉偏工賦。白首虞
卿謾著書。欲寫鸞牋酌藻句。玉蟾分水向秋渠。

寄黃徵君用泰

鑑湖常憶伴幽柄列屋圖書萬軸齊松牋繞池晴浴硯
銀燈照雨夜分題竹林幽賞琴尊在栗里孤吟歲月睽
盡夕文星南望久銀河不隔數峰西

哭鄒士烈

薄宦崎嶇接海濤魚鹽荐領嘆賢勞扶搖無路追鵬翼
文采何人惜鳳毛雨灑銘旌新粉字香銷薺露舊緋袍
爲君揮涕西風裏強賦招魂續楚騷

寄李彥澄

瀕江小市驛樓邊不到君家又隔年看劍每懷金白雪
停杯誰共理朱弦金波雨霽雙龍躍碧漢風清獨鶴旋

何日再尋南陌路與君盡醉百花前

贈別宋允原曾子家應辟之京

州人共指孝廉船五月揚帆向日邊太守榆材親勸駕
聖朝圖治渴求賢羽儀瑞世瞻雙鳳勅賜恩袍想九天
喜信泥金須早寄郡齋東望意長懸

廖氏壽母

寶釵珠佩滿簾前婺女浮光入玳筵花甲從頭年六十
蟠桃結實歲三千娛情永晝含飴樂繞膝春風戲綵鮮
惟昔閨門多令則母儀尤見慶綿々

贈別永新知縣四明烏斯道謫輪作赴京

去年鳬鷺獨朝天今日重逢倍惘然世故銷磨身寥老

涯途顛頓道難全
州人惟誦甘棠什詞客空傳白雪篇
滿地涼風嗟又起
愁登九辯送征船

山陰先生遣中贈別

淒其霜露客衣單
扣劍悲吟語別難
幾日孤帆臨渝水
一家千里向長安
山中草樹猿聲曉
海上烟雲蜃氣寒
令弟已聞來奉母
不須回首泪闌干

哭鼎亨觀亨時觀亨死貴州
鼎亨負其骨以歸
至贛州而鼎亨相繼歿
同侶鄒子善以其兄弟
合一棺而葬焉

弟兄生死共追攀
携手南征竟不還
白骨並藏秋草裏
旅魂同泣瘴鄉間
晨霜慘裂黃茅洞
夜月愁迷白水山

目斷孤鴻墜。些兩行血。汨衣殷。

布政掾宋子秀具慶堂

慈竹連陰覆翠微。夫容絢彩照庭闈。旨甘取具時調膳。
寒燠循常曉問衣。雲漢月高光耿耿。壽鑑春暖氣霏霏。
況逢幕府追趨日上。相同瞻玉樹輝。

贈醫者陳漢卿

君家遙住碧雲深。雲際離離杏滿林。采藥不逢山鬼識。
校方常許異人尋。石屏曉霽看秋色。竹嶼涼歸愛夕陰。
見說煩痾盡蘇息。丹沙久欲化黃金。

江漲

東南水滿漲平湖。洶洶如雷萬壑趨。蹴岸每疑翻地軸。

浮空直恐撼天樞飢鼯嘯雨檣帆少獨鶴歸雲島樹孤
眼底何時復清淺騎鯨我欲問麻姑

夜泊舟王峽簡文錄事元暉

龍女祠前晚繫舟娟娟霜月映寒流人情萬變誰青眼
世故千端自白頭孤館相逢年冉冉短篷對語夜悠悠
城南十載論交地詩酒何年繼昔遊

洪楊一茂省文節公萬里祠堂于廬陵

二百年前丞相宅離離碧草上階生立朝大節丘山重
許國丹心皦日明鼓角雲霄秋塞淨旌旗風雨暮潮生
諸孫此日尋乘輿薦紀惟看舊鼎銘

松房上人挽者歌

房前松樹偃西枝鐵馬昆侖去樂時香閣雲銷經卷掩
燈龕月在寶幡垂衆中留偈空千劫何處重來有萬期
最憶平生詩盡好祇園無樹覓瓊蕤

奉和松房題東山杏隱

杏林雲樹接烟霞一徑陰長上花丹頂養成千歲鶴
黃金煉就九還砂人疑匡昇神仙宅我憶東山宰相家
鎮日下簾無箇事彈碁賭酒寄生涯

謝孟正訪譜筠之石頭渡

乘櫂陰森渺故園百年分派憶同原石頭譽望衣冠盛
江左風流譜牒存自昔本根推葛藟至今玉樹照清門

壹二詞采傳三謝好共諸昆與細論

九日閻皂留題

磴道千尋風滿林洞門無鎖下秋陰紫臺鳳去天關遠
丹井龍歸地軸深野老尋真渾有意道人謝客亦何心
一尊底處醉佳節俯仰山靈慨古今

用杜紫微韻重題

洞天深處白雲飛學道何如馬子微詞客整騎青鹿至
仙人不跨紫鸞歸壇虛八景園秋草峰似三茅掩夕暉
獨采黃花墜望久自題青壁拂苔衣

錢太守彥忠哀輓

謫戍五溪

五溪烟霧送殘身誰弔湘累放逐臣燕寢香銷遺畫戟
素衣眼暗盡縗塵傷心故國游魂遠俛首戎行涕泪頻

父老朝來南望久逢人猶說政如神

題伯達達泉卷

秀徹分明玉雪姿長空一道寫天垂秦人避地何曾到
漢使窮源竟不知量狹滄溟真有本影濶皎日故無私
春風曉漲晴波暖早覩神龍化雨施

次韻答松雲上人

書屋蕭接杏壇隨時生事寄瓢簞文章不及黃金貴
容鬢空慙曉鏡團同舍酒香期盡醉故人書到喜加飧
幾時來訪南山老願借禪床一宿安

用前韻簡竹所

青燈午夜坐詩壇
謗酒盈尊肉滿簞
簷鐸風傳蒼玉韻

盆池凜冷水晶團敝衣百結憐華髮小枝雕蟲愧素食
時代遭逢何以報皇圖惟祝泰山安

寄德昌劉先生

一歲曾讀寄來書遠道何由問起居不爲窮愁憐杜老
只緣多病憶相如生涯落落孤燈暗心事悠悠白髮疎
稷下賴君傳正學莫教授老遂懸車

再贈錢士荆歸先相公骨干吳越

青山不盡孤臣泪白日尤悲孝子心關塞遊魂千里外
松楸歸骨九京深風雲夢散終何事天地愁來總不禁
先得軒中舊時物忍將別酒醉江潯

翦氏餘慶堂

兩朝科第數華腴，逢掖輝光照乘珠。
金石納書漢太史，關閩正學魯真儒。
青門五色存瓜瓞，丹穴雙飛起鳳雛。
手拂銀牋拈彩筆，試將家慶寫新圖。

贈月廿八日郭道紀席上次聲之韻

學館西頭無百步，仙家時得共青精。
此日淹留未覺晚，殘年來往只宜晴。
稍看山腳凍雲合，已見地皮春草生。
款持杯吟未足，不妨吹徹紫簫聲。

新元待漏之作

坐擁匡床酒未醒，默聽譁鼓數更聲。
已過殘臘丙寅歲，最愛新元壬子晴。
海嶽遙呼聖人壽，雲霄惟望泰階平。
何當擊壤娛黃髮，未愧田間老一生。

元夕監稅適行素席上賦

吳興公子愛敬客列籍西窗待晚晴
纏綺鞍轎煩再至
淋漓衣袖欲三更東風簾幕春如海
大地星河火作城
欲記金錢盛時會題詩猶雜謠歌聲

滄洲詩

山人結茅住滄洲白雲共棲山更幽
酒船元不限弱水
梅花開處似羅浮浩歌慣尋溫鶯社
長嘯豈知天地秋
拂衣明日上南斗老人星下躡蒼虬

送袁州常指揮扶先相公櫬歸葬和州

南州祗說舊將軍羽書夜馳曾樹劖蟠花戰袍雙鳳尾
倚天長劍七星文一朝壯士泪如雨丹旐東歸愁暮雲

麟閣他年見圖畫要將忠孝答明君

山川壇作

壇畔齋居似小龕曉分福酒亦何慙草痕已共雨痕綠
花氣更兼春氣酣茂宰材猷推單父聖朝治化美周南
遙詹歸騎松篁外徒步東風雪滿簪

送趙行素入觀且有懷山之想

三月船頭花正飛殷勤相送著朝衣高梧鳳去翔天路
細柳鶯聲遠帝畿對酒未應相憶遠逢人莫使寄書稀
稽山湖上千秋宅猶想乎今菜蕨肥

題顏存禮杏林小隱

每活一人種一杏只今千樹滿雲端只尺丹成化難犬

尋常虎阱識衣冠不妨芝草日同長并掃松花亦可餐
早晚渡橋與携手共拔朱實露團團

雷伯彥首祖鄉渝上再還潛江

乘梓依稀生夕烟松楸零落白雲邊藏書爲問善和里
遺表再讀瀧岡阡父老相看渾隔世鄉關此去又何年
送子江頭百憂集我亦携書雪滿顛

和袁太守伯遜九日郡庠之作

九日登臨苦望鄉十年白髮老虞庠舊書季考空殘墨
新試寒衣未著香塵世何心聊一笑黃花有分且持觴
却懷去歲題詩處葛領蒼正夕陽

茹參議索贍五老峰

五峰昂藏如五老共騎白鶴下長空遙依日月往來外
早見乾坤開闢功濯髮玉盆分雪瀑結巢翠壁倚雲松
錦袍仙人留句在愧我登臨賤未工

寄趙行素病中

經旬收印卧匡床西閣承塵日易黃藥裏頻煎上池水
鴈鴟多貯鬱金香悠悠心事從誰語亹亹書來復幾行
寂寞瑣窗憐瘦損爲君唚罷九迴腸

贈何賢良孟中

銀燭燒殘一刻漏深梨花院落夜沉沉
摠知何處多能賦不是相如薄倖心兩意半晴催柳色月痕一指轉花陰
送君明日京華道無限離亭長短金

送人入蜀

昔人盡說錦城樂此日休題蜀道難
邸閣高低流馬癡江船上石屋殘
擾手雲舊宅荒秋草丞相祠堂掩暮寒
時人多射利古來鹽井未曾乾

挽西昌蕭民樂

民樂先生今已矣悲涼不忍讀銘文高梧鳳去采雲散
宰木鴟啼西日曛豈以薦名隨使者只將遺業續河汾
草堂不壞山靈在藉飯何因採澗芹

匏闇先生哀挽

遺直坊前春日陰重來無地可追尋芒鞋竹杖絕行迹
山月江風誰與吟薤露歌殘天地老杜鵑啼徹隴雲深

忍看前輩風流盡目送靈輶淚滿襟

戊辰三月十六夕同彭待之宿周存誠宅分韻
得江字

雨窗燒燭坐西窓話盡平生語轉庵畫障題來留醉墨
歌詞唱徹換新腔夫容出匣應千歲玉樹臨風信少雙
自笑相逢今白髮由來文獻重清江

淵乎道院書趙文敏公蘭亭跋偶成

神仙宅前江雨霽夏寒猶未脫羅衣榧几凝香硯池滑
冰盤點鹽梅杏肥石竇雲深龍獨宿草門風動鶴初歸
王孫數帖蘭亭跋醉墨淋漓何是非

送趙行幸輸稅京師

上國輸征歲有程沙頭立馬若為情越中譽望推文物
海內交親總弟兄鳳渚烟青春樹遠龍河雨霽晚潮生
旅懷浩蕩應千疊日有新詩自紀行

宋仲輞尋親荆湘而負骸以歸題其卷末

尋親跋涉南中去負骨崎嶇此日還入夢旅魂應解語
染衣血泪盡成斑餽蛟浪息絰湘渚啼鶴雲深出楚山
故里只今松檳在不勝朝夕痛肺攀

方壺上清道士過舒州題于忠宣廟因用韻
以憮余慷慨云

枕戈待旦此何時廟食于今尚有祠獨守孤城百戰後
力扶宗社萬年基丹心炯炯終無盡世事茫茫不可期

江水東流自朝暮無情也解使人悲

題蕭齋藥室

奏疏親曾上玉堂歸來毛髮已蒼浪石闌點筆看遺帖
丹竈燒鉛校舊方曉挹天風叢桂老夕分蟾露紫莖香
摩挲銅狄三山近欲共吹簫騎鳳凰

為友人覓西原紙

老夫近有臨池興為覓西原紙百番片一繭文明雪浪
重雲葉熟梔痕籜樞草舍雖徒尔玉唾銀鈎或許言
萬斛明珠無以報且留清事在文園

春日度江訪黃隱居

困人春氣濃於酒竹嶼花潭且共遨天際烏檣輕似葉

石邊漁屋小如舟迂疎未許時人識寂寞寧知隱者高
金谷園中富桃李由來不數石家豪

再移席亭上酌

庭下金沙花未開晚春酌酒許重來情懷真率不多見
詩句粗疎為少才黃鳥喚人來遠樹白雞哺子啄蒼苔
剗溪乘興君知否又向沙頭掉月迴

陪祭社稷偶成

社雨過壇繞數點青松著處已如膏三更漏水催銀箭
一縷濃香繞翠袍未愧班行從下士却思倅載在東臯
老農細聽丁寧語十角黃牛勝佩刀

慶談伯達新居

繡簾碧瓦迎初日崇德坊前節義家翠墨回彎縣舊榜
綠陰繁馬駐輕車春風門巷多栽竹盛日園林又種花
三復斯干隨賀客便持歡賞慶韶華

送吳彥恭之京兼寄高博士廖助教

東郭先生有薦書又從上國曳朝裾漕河解纜涼風動
官道鳴鞭暑雨初直曼才華同錦繡由來光價比璠璿
故人十載成均學猶抱遺經究魯魚

杏莊

賣藥仙翁惟愛杏倚雲千樹手親裁花時有客將車到
子熟何人候虎來自許神功如董奉祗疑清境似天台
紅陰匝地春香滿列籍無因共酒杯

七言絕句

冬夜

高閣鳴鉦夜漏長，斷鴻嘹唳獨南翔。
風颯吹窗紙，隙月斜明白似霜。

新年送淵乎酒山藥二絕

春酒分來介眉壽，不轉仙釀九霞杯。
海枯石爛人長健，日向瑤池醉幾回。

呼兒斬得山中藥，持獻蓬萊閣上仙。
要比松苓壽千歲，併隨柏葉入新年。

盧彥輝邀賞芍藥彭待之索贋絕句

昔年曾看花如斗，今日看花白髮多。
學圃軒中坐風雨，

猶能把酒送清歌

題所翁龍

所翁畫龍有神助頭角斬々真雄哉蜿蜒下吸洞庭水
飛入太空雷雨來

題牧溪扇

牧溪道人愛騎廁慣寫雄姿向筆鋒山空月明百獸走
一嘯萬壑生長風

題天師像

留侯之孫古仙伯指揮日月駕風雷吾嘗候之玉局上
忽自洞天騎鶴來

春日遣興

長江過雨春始波近日稍見魚兒多誰知斯人有高興
鶯爾猿山將奈何

題瀟湘墨竹

移船曉度湘江雨黃陵廟前春草萋紫榦凝香鳳簫斷
不勝南望翠眉低

題墨蒲萄

淋漓玉露滿長條長隨家釀供酒瓢曾記移根歸內苑
月氏冠帶盡來朝

早作候太守不至紀實廿八字

曙色熹微月似鉤銀河淡一星流起來自拂階前石
坐看飛仙過十洲

重慶先生詩集卷之五

文淵閣大學士兼翰林院學士男幼孜編

雜著

文公祠堂上梁文

伏以三代之學皆所以明倫惟庠序之設久矣聖人之居若此其甚近有賢哲之祠在焉蓋徽國承道統之正傳而臨江存流風於過化是宜崇塗枕於板蕩瓦礫之後陳俎豆於太平黼黻之時山川爲之叢祥士子以之出色共推先正大師徽國文公先生稟乎光嶽之秀氣生于文獻之舊邦以真儒爲百世之師得大舜精一之指因此心明上天之理悉孔孟性命之言故其著述也

穿穴於群經其緒餘也并包乎子史太極之解有功於
濂洛感興之作無愧於風騷如金科玉條如雲行雨施
真賴以正天下真所謂集大成而不幸見忌於讒邪當
立朝之際暫入而復出然必力行於教化故典郡之日
去久而愈思雖關時運之不齊益見夷險之一節是則
仁為已任孰曰而由人乎於戲千五百年復觀在郊之
麟鳳自此彌億萬載咸仰在天之日星沒而祭之者崇
德而報功有其舉之者竝可以義起每顧瞻於遺像恒
怵惕于余懷遂白之上官僅復室寢之舊制乃成之不
日儼然氣象之一新式以昭於事神粗可脩於綿蕪敢

申鄙語敬告良辰

上梁東江水朝宗逝者如斯四海攸同

上梁西悠我思歲寒松柏鸞鳳所棲

上梁南廟貌是瞻申天嚴兮若臨

上梁北書臺千尺仰之彌高緬懷遺迹

上梁上道非象罔天何言哉如指諸掌

上梁下渠庠舍博學於文時雨之化

伏願上梁之後坤珍效圖人文協吉贊繁藻可薦尚

祈靈響之不違書策琴瑟在前猶想儀刑之如昔大明

文治永贊皇猷

住上人松雲贊并序

半閒上人主大方法席并持諸方教事為禪南宗其別

號松雲齋之靈先生繹其義而說之文辭縟贍旨意深遠非淺渺者可儗余何庸喙然忝游好之末又可默而已耶謹為之贊曰

千歲而屬冰雪者泰山之松一朝而雨天下者泰山之雲其質亦貞其用孔神爰有丈人紺日金身與松為友與雲為徒以之而吟嘯以之而栖遲蟬蛻濁世睥睨八區曾不知吾之非松非雲而為松為雲耶邈其高風叢林之師

佩韋齋銘為趙行素作

行素會稽人系出趙宋司征臨江始與相識察其容貌氣飄然有故國公子之風而虛懷好士甚若叔渴

嘗曰余性亢明遇事稍忤急未能無少過取一韋佩之頽其齋曰佩韋庶幾西門豹之意也余聞而韓之謂曰君可謂知過而能改者矣為作佩韋齋銘曰

謂韋之柔也而柔足以制剛毋曰弱而必强謂韋之緩也而緩所以輔急毋曰懦而不及中立不倚于以全吾之天苟伐性而害事鮮不由乎一偏是故昔者西門豹武取韋而佩焉匪悍匪激以糾其惑其虛其邪聿脩厥德韋乎；朝夕相與周旋左右而弥縫上下者吾知其奉命喻教於君子宣曰小補之哉

慶堂銘有序

李慶甫居清江蕭州之北堂之扁曰慶慶甫善人也易

文言曰積善之家必有餘慶故君子之慶必本於善為善者可不務乎為作慶堂銘曰

池之濬矣頻之入也雨之施矣雲之洩也善之積矣維君子之德也斯堂之慶式祿祥之藪也孜々焉勉々焉尚垂裕之永年孫而又子我書之傳

哀鋗先生辭

鋗先生德昌新喻人古心古貌蔚然士林之秀教清江縣庠十年清風苦節師表無愧洪武廿年正月十又六日以疾沒于寢烏乎斯人而止於斯耶失吾良友矣乃哀而哭之曰

劉先生：去何許不來悲我心，一一涕涆；

劉

先生去何許不來愁我腸涕滂劉先
生去何許不來傷我魂涕漣因以招之

金先生詩集後序

昔余聞清江鼎器之先生論文曰文
豈易言哉苟不得於道而徒尚乎辭
則不足以名世示後然君子之於文
豈徒以名世示後而作邪亦惟明道
見志而已近世作者固不乏人而清
江之名能文者惟劉永之仲脩其人
也仲脩既歿世矣其友人金守正先

生之文與仲脩合轍可尚哉時先生
之子幼致從游器之余因獲交焉至
于今三十有六年矣而幼致亦以文
章拜學士論思密勿黼黻

至治遂蒙推

恩以及其親先生得贈奉直大夫右春
坊諭德存歿有榮耀焉初先生文集
石門梁先生編脩張先生與吾聶先

生蓋嘗為之序矣今幼孜復集先生
之詩若干卷將鋟梓以行且徵余序
余雖不獲見先生然聞先生篤實君
子也博究群籍雖老不倦故其為詩
溫厚而和平深沉而有思致所謂安
於素履而涵泳乎道德者也信乎其
可傳於後矣譬之深林大壑古松脩
篁清風徐來鏘然成韻視彼落花依

草點綴暎媚翡翠蘭苕纖麗輕盈者
可同年而語乎哉若夫先生平生之
造詣見於梁張聶三公之序文余不
復贅姑述所聞僭爲後序云

永樂十九年歲次辛丑十一月朔日

朝議大夫國子祭酒兼翰林侍講

國史總裁豫章胡鑑序